


四明叢書

張宗祥



鶴巢散存

四明張氏約園開雕

序

忻君紹如長余四歲余於其卒也既爲詩以哭之其子
燾一日以文存四卷詩存一卷攜以眎余余兄事紹如
者也自庚午始輯四明叢書爲余草凡例洎後有所疑
輒往返商榷茫茫墜緒得紹如搜編者亦多矣孰意戊
寅之秋與之一別遽作古人不獨善人君子難得易失
而交游零落如此此歐陽子之所以致慨也紹如爲簡
齋先生次子生十七歲而孤每念庭訓有曰學猶殖也
厚其培而去其害時至則熟焉剽竊以爲工涉獵以爲

能雖有弋獲譬之雨集溝澮有立涸焉耳故其爲學務求根柢及爲董孟如先生壻益有志於文然偃蹇者且十年壬寅始舉於鄉甲辰始通籍出宰皖江補桐城未之任一署望江縣事辛亥後匿跡銷聲編詩見志晚年客授海上不求人知觀紹如跋玉几山人匪窟悲思記可以見其生平矣自號鶴巢子其有取於丁海巢與否余不得知顧鶴陽鳥也而遊於陰行必依洲渚止不集林木又何巢之有其所謂巢詩巢耶抑文巢耶今鶴去矣而詩與文固猶在也則謂之有巢也亦宜且其居官

也相隨者葉鶴耳遁而山林則清遠閑放鶴巢之名固
紹如當之無愧色獨恨飛鳴而過我者不見其處而羽
衣蹢躅僅於文字中遇之爲可歎耳其爲詩也發乎情
止乎禮義然郊島之流亞也其爲文也重義法不稍苟
如其人焉此非余阿私之言也一生盡力於文而視鄉
獻如性命董孟如先生輯四明清詩略旣爲編訂更復
續纂之一一著其小傳完成有清一代吾鄉詩人之局
而延杲堂謝山耆舊之緒有功枌社其尤大者也嗚呼
可以傳矣余旣刻其詩文以覆其子燾更序之如此時

舊身ノ不

民國二十九年九月世愚弟張壽鏞

約圖刊本

鶴巢文存目錄

卷一 論辨

漢宣帝信賞必罰綜核名實論

張蒼領主郡國上計論

唐太宗盟突厥於便橋宋眞宗盟契丹於澶州論
開元四年召新除縣令試理人策論

元代分封諸王論

大學之道在明明德在親民在止於至善義

周唐外重內輕秦漢外輕內重各有得失論

學堂之設其旨有三所以陶鑄國民造就人才振興實業國民不能自立必立學以教之使皆有善良之德忠愛之心自養之技能必需之智識蓋東西各國所同日本則尤注重尙武之精神此陶鑄國民之教育也講求政治法律理財外交諸專門以備任使此造就人才之教育也分設農工商礦諸學以期富國利民此振興實業之教育也三者孰爲最先策

三國志帝魏辨

岫巖碑諸說異同攷

青衿城闕解

富弼奉使如契丹請易書而行論

卷二 序跋

亦政堂支譜序

續修支譜序

姜氏創立族譜序

四明清詩略緣起

國學生麗泉公八秩開一大慶之序

族兄如意老人七十晉九壽序

夏伯瑾太史七十生日贈言

方君式如明經七十壽言

谿上費瑚卿廣文七十贈序

久敬說贈顧君元琛七十生日

徐君衷白七十壽言

林君芝浦七十生日贈言

徐君弢士六十生日序

蔡君仲衍六十壽言

說器贈張申之同年六十

慈谿張節母楊太孺人五十壽言

千秋金鑑錄書後

晦廬跋

匪窟悲思記跋

卷三

傳志

族曾祖母王太孺人傳

先文學府君家傳

張藜齋先生家傳

顧君猷嘉譜傳

盛節婦費孺人傳

先母陳太恭人行述

姜君炳生行述

黃泥鼻阡表

先府君墓柱文

清故州同銜國子監生張君墓碣銘

故內閣中書副貢生方君墓志銘

明經張君墓碣記

重修潺浦廟記

寧波錢業會館碑記

四明公所甬北支所碑記

毓秀義塾記

虹橋別業記

芝軒記

陳氏涵養山莊記

卷四

雜著

高祖使陸賈賜佗印爲南粵王賦

擬謝希逸求賢表

復雲麓同年尺牘

董公鄧耘像贊

曹君蘭彬像贊

方君式如明經哀詞

金允升先生哀詞

題盛小吾先生畫

梅占春小傳

鶴巢文存卷一

清鄞 忻江明紹如甫著

論辨

漢宣帝信賞必罰綜核名實論

漢治多用黃老之術而獨至宣帝不然黃老之爲治疏
節闊目崇尚簡易其流弊至於一切廢弛文景之世不
如此之甚而古治之不復卒亦坐此然則罔密文峻任
法而治較勝於簡易乎曰滋不可也法令者治之具而
非制治清濁之原也宣帝起於側陋知民疾苦讀政平

訟理一詔藹然仁者之言而又增小吏之秩復功臣之後迹近寬大獨其弊吏之政流入苛深夫弊吏者朝廷之大權也總於天子分寄於大臣幽明黜陟得其當而已必欲以一人綜核則不能不多爲之法以防制之拘攣之使大奸有所不能踰而賢智之臣亦無能效尺寸於法之外夫果恃此法令而可以制治清濁豈非弊吏之善政然而黠者舞文巧者欺飾弊常出於所防而患每中於不覺若膠東相王成以僞增戶口賜爵矣趙蓋韓楊之誅人或冤之矣賞罰之失當名實之不符竟出